

13- قناة الحياة 2 | معتر الدمرداش | 2102-5-02 | الشيخ

حازم صلاح أبو اسماعيل

حازم صلاح أبو اسماعيل

ضيقي النهاردة في مصر الجديدة الحقيقة اه شخصية اه ثار بشأنها الجدل في الفترة الاخيرة لاسباب عديدة نحن من ذكرها في الوقت الحالي. انما انا تساءلت في برنامج مصر الجديدة. اين اختفى الشيخ حازم صلاح ابو اسماعيل؟ فالنهاردة افاجأ بانه امامي. فبارح - 00:00:08

لقبولك الدعوة. انا اللي سعيد جدا ان اخيرا آآ انا عارف ان حضرتك كان لك ظهور اعلامي اعتقد مع الزميل في رحاب الاستاذ معتر ليلة سعيدة. الف الف شكر. انا الحقيقة آآ هبدأ آآ - 00:00:28

في سؤال بطرحه دايم على نفسي آآ بعد الشعبية الكبيرة اللي حضرتك حققتها وبعض المواقف الاخيرة اللي اكيد آآ تعتبرك رقم مهم في في الحياة السياسية في في المجتمع المصري - 00:00:48

آآ بس ده ما يمنعش انك آآ مريت بازمة ولا زلت تمر بها بعد استبعادك من سباق الرئاسة. موقفك دلوقتي ايه؟ انت بتمارس حياتك مواطن مصري دلوقتي ولا آآ مسألة استبعادك من الرئاسة مخلياك - 00:01:05

آآ مركز قوي في انك تحاول ترجع للحياة ترد اعتبارك ما عرفش تسميها ايه يعني؟ ربنا يبارك فيك. اولاً اشكرك جدا على اللقاء الجميل ده دايم لقاءات حضرتك جميلة الحقيقة. ربنا يخليك شكراً. احنا دلوقتي بنعد آآ انشاء حزب - 00:01:20

موجود يعني دراسة متعمقة بحيث انه لا يتعرض لنفس الدرجة من الدرجات اللي بتعتني الاحزاب بصفة عامة من ان هي احزاب بتبقى فاترة فترة ما هياش مؤثرة ما هياش فاعلة - 00:01:40

فاحنا بنحاول دلوقتي ان احنا نعد هذا الموضوع اعداد موجود جدا وهناخد وقت احنا بنقدر انه يكون في حدود تلت شهور آآ لكن ينتهي الى حالة زي ما عملنا في الحملة الانتخابية وكان فيها هذا القدر من البريق او التوفيق - 00:02:00

بنحاول انه ينشأ حزب يصبح حالة في تاريخ مصر مستقلة وواضحة وقوية ان شاء الله. تمام. الجانب ده الحقيقة هو اللي يمكن شاغلنا بصفة اساسية اكر من اي حاجة. مم. لكن يضاف الى كده انه الانتخابات اسفرت عن انه في - 00:02:20

كزا فصيل او كزا فريق واتضح لي بصورة اكر مما كنت اتوقع كمان انهم الى حد كبير مش فاهمين بعض خالص يعني انا كنت بافاجأ احياناً بأسئلة تأكدت ان سببها ان في حد مش فاهم الثاني مطلقاً - 00:02:40

مم. فالحقيقة جانب التواصل الثقافي ده هيبقى فرع مهم جدا من العمل. ده اللي انا دلوقتي مشغول به بصفة عامة. يعني بتأسس حزب سياسي. نعم بالزبط. كويس اوي آآ حضرتك يعني ما فيش شك ان مسألة جنسية آآ والدة حضرتك رحمة الله عليها آآ كانت نقول ايه قاسم - 00:02:58

المشترك والمحرك للاحداس اللي مرت بكم بمصر اه هل الشيخ حازم صلاح ابو اسماعيل معني باجلاء صورته لمن آآ يرى او من قد يتصور ان هو آآ لم يقدم الحقيقة كاملة لما راح رشح نفسه آآ لم آآ يراعي الشروط اللي حاططها لجنة - 00:03:18

الرئاسة آآ في مسألة آآ آآ ترشيح اي مصري آآ نفسه لهذا المنصب الرفيع. نعم. آآ هل انت اولاً انا خليني اجاوب حضرتك اجابة اه يعني اه من منطلق اللقاء اللطيف ده ان شعوري النفسي بان اللقاء يعني محبب الي. الحمد لله. انا شخصياً - 00:03:43

حازم صلاح ابو اسماعيل اصلاً غير معني بهزا ما بهمنيش خالص اه. ولكن انا دلوقتي ورايا او معي ناس جايز يكونوا بمئات الالاف او

اكثر هم. كلهم متعلقين انهم لازم المسألة تبقى ثابتة عندهم. اه. وبالتالي انا معني لهم. ولزك احنا - [00:04:07](#)

عندنا قضيتين ولا بد ان احنا نوصل فيهم. بس انا عايز اقول لحضرتك ان انا تعاملت في هذا الموضوع تعامل من من افضل ما يكون.

اول ما طلعت المسألة شائعة فقط مجرد كلام وشائعة - [00:04:29](#)

وخفت انه يحصل انه لجنة الانتخابات الرئاسية وخصوصا دي لجنة بتاخذ قرارات ما حدش يقدر يتكلم معها اذا خدت اي قرار عملت ما يفعله الرجل الكفء القوي المحدد. وذهبت مباشرة الى القضاء - [00:04:44](#)

الاول قلت له ايها القضاء انا رايع لجنة الانتخابات الرئاسية واخشى منهم انهم يتهموا او انهم يدعوا ان والدتي قد سبق ان حملت الجنسية الامريكية فلو سمحت اعطني حكما قضائيا يقول - [00:05:01](#)

ان السيدة فلانة لم يسبق قط انها حملت الجنسية الامريكية ويكون هذا الحكم حجة مش على وزير الداخلية فقط ولا علشان يصدر شهادة فقط وانما على لجنة الانتخابات الرئاسية وعلى وزير الداخلية وعلى وزير الخارجية اللي بيتلقى المكاتبات الاجنبية من امريكا وغيرها - [00:05:17](#)

وصدر الحكم القضائي بالمعنيين ان السيدة فلانة لم يسبق ابدان حملة الجنسية الامريكية وانه ده في مواجهة الجهات الثلاثة حجة عليهم. مم هذا الكلام لا يفعله الا شخص يقف على ارض ثابتة واثق من من خطواته فاهم هو بيعمل ايه - [00:05:38](#)

لما صدر الحكم صدر الساعة اتناشر او حداثر بالليل يوم الاربع ذهبت به يوم الخميس الى اللجنة. وانا قوي وفي يميني حكم قضائي اللي حصل من غير حكم ولا قرار؟ حكم - [00:06:00](#)

حكم محكمة القضاء الاداري ولزك انا زعلت من النخبة وزعلت من الجماعة اللي بيدعوا ان هم محافظين على القواعد الدستورية ليه لانه عمدا عند كثيرين وغفلة عند بعضهم كأن البنيان الدستوري لمصر ما اتهزش ما اتضربش في الصميم. انا معي حكم قضائي - [00:06:14](#)

وصابر عليهم ومع ذلك حتى بعض اساتذة القانون حب يتجاوزوه والمستندات اللي عرضتها لجنة الانتخابات الرئاسية وعرضتها زي داتا شو عملت لها مؤتمر صحفي هي نفس المستندات اللي عرضت على القاضي. والقاضي كتب ست سبع اسطر من اروع ما يكون في حكمه - [00:06:38](#)

المستندات دي لا تساوي شيئا ولا ترقى ان تصل الى امام القضاء وهي ساقطة ومهدرة ولا عبرة بها ولا قيمة لها. اصل انا لو حضرتك تصحني لو انا مخطئ اللي فاكره ان الحكم كان بيلزم وزارة الداخلية - [00:06:59](#)

بانها تقدم آآ ما معناه او ما يثبت ان السيدة والدتك آآ انها آآ يعني انها حاصلة على جنسية اخرى غير الجنسية المصرية لا لا الحكم منطوقه كده انه حكم هي عن الاول خليني اضرب لحضرتك المثل اللي يوضح الموضوع - [00:07:14](#)

افترض ان في مواطن مصري رايع يحج وزير الداخلية منعه من السفر وقال له انت ما ينفعش تسافر لان عندك مرض معدي طبقا لشهادة وزارة الصحة. هم وممنوع سفر اللي عندهم مرض معدي - [00:07:37](#)

بيرفع المواطن ده بيرفع قضية على اتنين على وزير الصحة وعلى وزير الداخلية. يقول يا محكمة قول لي في مواجهة وزير الصحة انه ما يدينش ما يقولش ان انا عندي مرض معدي وبناء عليه الزمي وزير الداخلية بانه يسمح لي بالسفر. ده اللي - [00:07:51](#)

بالزبط الحكم قال ثبت لدى المحكمة انه لا يوجد اي شيه يفيد في سجلات الدولة في سجلات وزارة الداخلية في اي مستندات مقدمة لا يوجد اي شيه البتة يفيد ان السيدة فلانة سبق ان حصلت او حملت الجنسية الامريكية - [00:08:08](#)

وبناء عليه حكمت المحكمة بالزام وزير الداخلية بانه يصدر لي انا شهادة رسمية تفيد مضمونها ان السيدة فلانة لم يسبق ان حملت جنسية اجنبية. بالزبط. حازم فيه ملايين المصريين وملايين الناس في العالم بيحصلوا - [00:08:29](#)

جنسيات اجنبية دون ان يخطرنا وزارات الداخلية في بلادهم. طبعا بس يقوم بقى ايه يتقال يعني يظهر الدليل على كده. اه. عشان انا اعرف. يظهر الدليل هو ايه؟ اللي هو جواز السفر نفترض في هذه الحالة الامريكي. اللي هو الدليل بقى اللي اللجنة الرئاسية هتعتمد عليه ده. اه. اه. لان اللجنة الرئاسية معتمدة - [00:08:49](#)

على ادلة اعتمدت على كلام فارغ كلام فارغ كلام فارغ القضاء نفسه قال التعبير ده. اه. هل ده كلام لا قيمة له. طب ليه حضرتك لم تخطب لك فكرة انك تقاضي - [00:09:09](#)

الامريكان تقاضي امريكا وتلاقي هنا دعم لك في هذا الموضوع. اه الامريكان كانوا قدموا فعلا مستندات غير دقيقة. اه وهم لم يقدموا هم لم يقدموا وانا قابلت مساعد وزير الخارجية قال لي انا انا ومساعد وزير الخارجية وازعم ان انا تلقيت الاف من المكاتبات - [00:09:22](#)

الدبلوماسية ما فيش ولا مرة في مكاتبة دبلوماسية بالشكل ده مرت علي مطلقا. ولزك انا حضرتك بتسألني سؤال رائع انه ليه انت ما فكرتس في مقاضاة هؤلاء الاجابة انه مدة الطعن طبقا لقانون الانتخابات الرئاسية اربعة وعشرين ساعة - [00:09:41](#)

اه. فكان قدامي اربعة وعشرين ساعة فقط. ما اقدرش انا اعمل اي اجراء الا اني اقدم الطعن الى لجنة الانتخابات الرئاسية. لانها بتستبعدني النهاردة ويبقى قدامي لازم قبل هو الاصل انه ثمانية واربعين ساعة طبعا لكن هم علقوا اعمالهم في اول اليوم اللي هو يوم الجمعة فاختصروا المدة حتى بصرف النظر - [00:10:01](#)

دلوقتي انا عامل كده. بصرف النزرة الترشح انا متأكد ان حضرتك انت لسة قائل ان اتباعك او يعني آآ مؤيدك آآ طبعا. لان بيتهاى لي الرأي العام من حقه عليك - [00:10:21](#)

انه يعني تجلى الحقيقة لكي يقطع الشك باليقين. انا الحقيقة عملت اللي حضرتك بتقوله ده دلوقتي. مم. رفعت دعوة ساعتها يعني بمجرد قضيتين مرفوعين فعلا لغاية دلوقتي القضية الاولى قدام القضاء المستعجل - [00:10:35](#)

لاثبات حالة ابقى قل له يا محكمة اديني حكم بان اللجنة دي لجنة الانتخابات الرئاسية وصفت المستندات باوصاف مش موجودة فيها وصفت الورق المقدم اليها وصف مش موجود اصلا محض افتراء - [00:10:51](#)

والقضية الثانية خاصة بحالة الجنسية دي في مجلس الدولة والحقيقة ان احنا قابلنا رئيس محكمة رئيس محكمة القضاء المستعجل. الرجل في منتهى اللياقة ممتاز. قال انا مستعد اعقد جلسات استثنائية يومية لغاية ما اوصل - [00:11:09](#)

الا اني اديكم الحكم اللي انتم عايزينه بس قل لي لو الحكم ده صدر قبل الانتخابات الرئاسية ما لوش حجية اللي انتم عايزينه ولا حكم آآ على اوراق هو طبعا مش الحكم اللي احنا عايزينه يعني تفصيل يعني الحكم اللي انتم الحكم في القضية يعني انما مش الحكم يعني. اه - [00:11:27](#)

في القضية. اه. فهل احنا هنطلع الحكم في القضية سريعا اذا كان الحكم له اثر على لجنة الانتخابات الرئاسية. انما دي لجنة قراراتها وبالتالي القضية شغالة وهتمشي في مسارها الطبيعي اللي جايز ياخذ اربع خمس ست اشهر انما المهم. اه. ان التوقيت عدى خلاص. فانت تشعر - [00:11:47](#)

وعلى فكرة ما فيش جديد ده انا حصل لي الكلام ده كذا مرة. اه. تنزور الانتخابات ويصدر قاضي من القضاة اه اه قرار مزور في الانتخابات اعلان فوز حد ثاني غيبي - [00:12:08](#)

وبعدين انا اطعن وبعد سنة ولا حاجة يطلع الحكم لصالح ان انا اللي كنت ناجح وان الانتخابات مزورة بس خلاص مجلس الشعب كان عدى. بس عارف لا جديد يعني. لآ انا انا مقدر جدا ان حضرتك بتقوله آآ انما الحاجة اللي ما فهمتهاش بعض التصريحات اللي صدرت عن حضرتك - [00:12:21](#)

وقلت فيها ان امريكا خايفة من حازم صلاح ابو اسماعيل ولذلك تأمرت عليه. نعم. وبعنت الاوراق او او يعني آآ كانت سببا وراء استبعادك من السباق يعني حضرتك راسك براسك براس امريكا حضرتك فوق راسي والله العفو يا فندم هل في طب - [00:12:40](#)

في مصر بلاش حازم صلاح ابو اسماعيل. صحيح. ببشكل نقول فزاعة لامريكا. سيدة العالم والسوبر باور واللي قاعدة بتلعب الدنيا كده والله كلام حضرتك ممتاز جدا وانا هجاوب حضرتك اجابة اقول لك مقدما - [00:13:02](#)

انها هتعجبك وهتعجب كل واحد من اللي بيسمعونا لان هي منطقية جدا. اه حضرتك بتحكم على اجابتك؟ اه التواضع يعني يقول لك اجابة رائعة تواضع ما فيش بعد كده. شف يا سيدي. اه - [00:13:19](#)

حازم صلاح ابو اسماعيل لا يساوي شئ بالنسبة لامريكا خلاص يعني ولا حد ولا يمثل مشكلة بالنسبة لها انما اللي يمثل مشكلة حقيقية بالنسبة لامريكا مصر اللي خمسة وثمانين مليون على حدود الاسرائيليين - [00:13:37](#)

دي ازمة اه. لو لو طريقة ادارة الحياة في مصر الطريقة دي تمثل خطر. بالطريقة دي تمثل نص خطر بالطريقة دي تمثل امان. بالنسبة لامريكا صح ولا لا؟ اه. في خلاف على كده؟ لأ. شئ طبيعي. اما - [00:13:56](#)

اسرائيل اولوية قصوى لدى الامريكية المتعاقبة. بالزبط. حلو. اذا كان تفجير خطوط الغاز في سيناء عمل لهم مشكلة وهي حاجة صغيرة. اه بالك لو نظام حكم هيعمل لهم مشكلة اكبر من كده. اه. فليس المقصود حازم صلاح ابو اسماعيل لانه مفتر بنفسه وشايف نفسه راسه براس امريكا - [00:14:12](#)

لا لا لا ما فيش كده الفكرة ان امريكا احنا لو متصورين ان امريكا قاعدة ايديها في المية الباردة ولا تدرس الانتخابات المصرية وما بتحاولش ترتب والاسرائيليين نفس الكلام. اه. ترتب اوضاعها. افرض عمرو موسى كسب. طب لو عبدالمنعم ابو الفتوح كسب؟ اه. طب افرض اللي كسب هو محمد مرسي طب افرض - [00:14:32](#)

لازم تعمل كده دي دولة عظمى مخبراتها لازم تدرس كده. اه. فانا بعتمد ان ان ما طرحته من جمع قوة الناس مع بعض ان الشعب يصبح لحمه واحدة علماني ولا ليبرالي ولا اسلامي ولا مسيحي ولا مسلم ولا ولا ولا - [00:14:53](#)

وحجم النجاح اللي حصل احنا كنا وصلنا لتوكيلات بعشرات الالاف من المسيحيين. وصلنا الى الاعداد من الناس اللي مش ظاهر عليهم اي لا سلفية ولا اخوانية موجودين معنا في الشوارع في كل مكان وصلنا الى ان ما فيش استفتاء واحد ولا استطلاع رأي واحد الا لما بنطلع فيه - [00:15:12](#)

الاول بفرق كبير وصلنا لحالة من الشعبية وقطعا شئ منطقي ان امريكا الدولة العزمية تدرس مش لان حازم صلاح ابو اسماعيل ده حاجة كبيرة ولا صغيرة. ولكن لان هي عايضة ترتب الاوضاع في مصر. بس امريكا عارفة اكثر مني ومنك يا شيخ حازم ان - [00:15:32](#)

ان مصر ما بعد السورة تغيرت بمعنى ان النظام السياسي في مصر مش هيبقى واقف على فرعون ولا على رئيس جديد هتبقى دولة مؤسسات وفيه ديمقراطية وفيه اليات لاتخاذ القرارات - [00:15:51](#)

بعيد عن هوى الراجل اللي موجود في كرسي الحكم. نسبيا صح. لكن انا اقول لحضرتك انا مسلا واحد من الناس بقول ان مثلا عودة عمرو موسى رئيسا للجمهورية. عندي انا تساوي بالظبط ان حسني مبارك كان رئيس جمهورية. بالظبط - [00:16:05](#)

يا سلام بالزبط حتى على البني ادم العادي اللي ماشي قدام كمين مرور في الشارع. وعمرو موسى يبقى زي مبارك بالزبط. واحمد شفيق نفسه من ناحية ايه بقى؟ من ناحية - [00:16:22](#)

من من ناحية لها وجهين الوجه الاولاني اولاً انا لا استطيع ان انا اتهم واحد في زمتة المالية فما ليش دعوة بالذمة المالية. انا بتكلم سياسيا يعني. اه. اه من ناحية انه الناس هتعايني من انه نزام الحكم في مصر له نفس - [00:16:37](#)

الترتيبات مع الخارج مع الاسرائيليين والامريكان بحيس ان اللي بيترجم داخليا في الاخر هو انه على قد على قدر اللي عايزينه للمصريين يعيشوه هنرجع نرجع مرة تانية مش هتبقى مش هيبقى في تقدم. انت حضرتك عارف ان البرازيل مثلا - [00:16:58](#)

في عدد قليل من السنين ما تصدقوش وقفزت بقت واحدة من العشرة للاقتصاديات الاولى في العالم. اه. ده مش هيحصل لمصر هتبقى لازم تفضل ماشية في السياق العام. وهيفضل المواطن العادي لازم يفضل خايف. لازم. بس ممكن واحد يدعم عمرو موسى او لو - [00:17:18](#)

موسى قاعد قدامك دلوقتي هيقول لك آآ مش يقول لك مقارعة الحجة بالحجة. طبعاً. هيقول لك انا عندي برنامج رئاسي يا اخي في الملف الاقتصادي اقراه كويس. الملف الاقتصادي بيركز على تحقيق الرفاهية للمواطن المصري. اسرع ما يمكن لان هو ده السبيل لان - [00:17:37](#)

ارقى بمصر وتقدم بالمواطن المصري واخليه يتعالج صح ويتعلم صح. يعني التركيز على الملف الاقتصادي عنده واضح جدا في

برنامج. صح بس يعني مع حسني مبارك كان كده لآ أنا فاهم. يعني البرنامج الرئاسي لحسني مبارك كبرنامج كان حلو اوي. اه. لطيف جدا. بس بس له حنة ان ان الغرب والامريكان هيقوا - [00:17:55](#)

بيسيطروا على مقدرات مصر آآ في ظل اي حاكم جاي مش مشكلة عمرو موسى او غيره رغم ان انت ما تقدرش ما تقدرش تنبأ لآنك انت لسه ما جربتش لآ أنا جربت - [00:18:17](#)

أنا جربت اه اه شخص او شخصين اولاً أنا عمري ما اتكلمت عنهم وأنا مرشح. اه. يعني ده عشان يبقى واضح منذ ترشحت حتى استبعدت لم اتكلم عن ولا شخص من المتنافسين. والله - [00:18:31](#)

أنا دلوقتي أنا واحد من جمهور الناس. اه لآ دول جربوا جربوا. اه. واحد جرب في وزارة الخارجية وشفنا احنا كنا بنبكي بدل الدموع دم. دم في اثناء ما كان وزير خارجية - [00:18:44](#)

سواء سواء في مشكلة البوسنة والهرسك لما كانوا بيجعلوا الكلاب تعدي جنسيا على الناس هناك ومصر كنا عايزينها تنطق واو في مشكلة فلسطين اطفال الحجارة اللي كان بيحصل لهم وفي سنة ثلاثة وتسعين بعد اوسلو وما الى ذلك - [00:19:01](#)

لآ احنا حسينا الحاجة الهم يا استاز معتز ان أنا احمد شفيق او عمرو موسى وقاعد في مجلس الوزراء اربع خمس سنين اهو. مم. المجلس الوزراء بيجتمع مرة كل اسبوع - [00:19:20](#)

باجي كل اسبوع احضر النهاردة اشوف ان في سلب ونهب في الدولة وأنا مستمر. بكرة في تعذيب وقتل وأنا مستمر بعده في طوارئ وأنا مستمر ست تزوير انتخابات ست انتخابات مزورة اثنين شعب وثلاثة شوري واثنين محليات يبقى سبعة. مم. في في زمن وزارته - [00:19:34](#)

وسايب الشعب يزور واللغة يقول لا انسى الست اللي قتلت بالرصاص كل ده والوزراء مستمرين عادي ما فيش اي مشكلة ايه ده ويرجع النهاردة حد من دول يقول خلوني بقى ابقى أنا رئيس على الناس دول ما الناس دول انت كنت وزير عشر سنين ولا خمس سنين ولا اربع سنين وترى - [00:19:55](#)

والنهب والاثار وترى الاعتقالات وترى الطوارئ وترى التعذيب. وترى وترى وترى ومع ذلك وتزوير الانتخابات ولا حاجة مستمر في مجلس الوزراء والبسمات الحلوة اللطيفة. ولم يخرجوا الا لما حسني مبارك. مش خرجهم. لآ اعلاهم زي ما هو محمود رياض - [00:20:16](#)

وزير خارجية وبقي امين جامعة الدول العربية. عصمت عبدالمجيد وزير خارجية وبقي جامعة الدول العربية. عمرو موسى وزير الخارجية وبقي يعني شيه معتاد. فلما ما حدش يقول حد يرد عليك يقول لك والله ما حدش فيهم آآ مسلا آآ اثبت ضده اي فساد او ما اتاخذش في آآ محكمة او ما صدرش ضده اي - [00:20:36](#)

في حكم من القضاء المصري بان هو ما هو مش ده اللي بيعتمد عليه. اه. أنا مش بقول كده. أنا بتكلم على الجانب السياسي. الجانب السياسي. اصله ما ينفعش مش كل واحد لازم ياخذ حكم - [00:20:56](#)

الجنائي ممكن واحد ما ينفعش سياسيا. اه. ولذلك حتى لما بيقلوا عليهم اصل ده اللي هيروح اخر النهار الاقي سولار في محطة البنزين واروح الاقي خضار مش عارف فين اروح الاقي فين؟ اه. لآ ده لم كلمة رجل دولة دي خدعة كبيرة دي مش صحيحة. دول عمرهم ما يعرفوا الدولة. خالص. اه. يعني عمره ما اشتغل لا في الصحة ولا في - [00:21:06](#)

دواء ولا في التعليم ولا التموين ولا شئون اجتماعية ولا عارف مواصلات ما فيش ولا حاجة من الدولة يعرفوها خالص ولا اشتغلوا ولا تعبوا في الميزانيات يقولوا وارد قد ايه والمنصرف قد ايه؟ ده بيشتغل برة في الخارجيات. اشتغل مع الاوروبين موقفك ايه آآ كمواطن مصري؟ اه. لو - [00:21:26](#)

وهو فعلا جاء به الصندوق الانتخابي في انتخابات نزيهة ونظيفة يعني. لو انتخابات نزيهة ساستديره فورا الشعب واقول له اللي هيبقى ابنه بكرة يتلطف بالقلم على وشه يبقى يستاهل بقى. لانه اذا الشعب وصل انه بعد ثورة - [00:21:46](#)

اصبح فيها في رمق احتمال نحيا كراما احتمال يبقى الانسان فيها محترم ويعيد مرة اخرى علشان يلاقي لتر سولار وغيره يبقى

نستاهل نستدير للشعب تقول له انت تستاهل توعية ايه هيبقى من رئيس مصر - [00:22:07](#)

انا لا استطيع ان انا اخرق ثوابت ما قدرش تعترف بنتيجة فيعني بتقول هنعمل سورة تانية وهنزل الشوارع وهكذا هو هيجصل كده بس مش انا اه يعني يعني لو لو حصل اه يعني انا باعتقد ان مش هيجصل استقرار حتى اللي بيقولوا عشان الاستقرار لأ ده بالعكس هيبقى الفصيل الثوري - [00:22:30](#)

والفصيل العادي التانيين هيفضلوا يخبطوا في بعض الاربع سنين الجايين. شخصيا دلوقتي لازم ناخذ فاصل اعلاني اعزني طبعا طبيعة البرامج. لا لا بس ما ينفعش نتفق على نسبة من الاعلانات دي للضيوف اللي بيحبوا اعلانات؟ والله مش حاسس ان حضرتك تأمر اللي تأمرني به انا - [00:22:55](#)

تحت امرك. الله يخليك. آآ بس آآ ناس تقول لك انت بوستراتك غرقت الدنيا ده ناس كسبوا منها كويس جدا كانوا بيطبغوا ويبيعوا لا ده ده صورة الشيخ حازم بتبقى محطوة على التورتاية وفي الاعياد الميلادية. ما شاء الله فاكرك شكوكو زمان كانوا بيعملوا له تماثيل بيعوها في السوق فانت - [00:23:15](#)

ربنا يكرمك يا شيخ حازم نفسي أسألك آآ سؤال ما اعرفش انت كنت هتجاوبني عليه واحنا آآ على بعد آآ نقول ايه تمانية واربعين ساعة من الانتخابات من سيرشح الشيخ حازم صلاح ابو اسماعيل. احاول اعرف الاجابة بعد الفاصل. خليك معنا. او عوا تروحوا في اي حتة - [00:23:35](#)

فاضل لنا نص ساعة فقط لا غير ويبدأ الصمت الانتخابي فهل حق آآ ناخذ قدر المستطاع اكثر قدر من الاجابات من ضيفي النهاردة في مصر الجديدة الاستاذ حازم صلاح ابو اسماعيل اهلا ب حضرتك مرة تانية. اهلا وسهلا - [00:23:55](#)

حضرتك من شوية قلت لي انك ولا عايز عمرو موسى ولا عايز احمد شفيق وقلت لي كل الاسباب بتدفعك لهذا الرأي ازا من ترشح ومن ترى فيه المصلحة لمصر والله يا سيدي انا متحسب جدا لمسألة ممارسة الضغوط. انا عايز اقول ل حضرتك - [00:24:15](#)

طبيعة الامور الدولية حاليا ان الدول بتمارس ضغوط على بعضها فبالتالي لما بيبقى فيه انتخابات في اسرائيل نقول له يا ترى اللي كود ولا العمل ولا كديمة ونخاف من واحد اكثر من واحد. في امريكا مرشح الحزب الجمهوري - [00:24:40](#)

الديمقراطي ونخاف من واحد احنا هنا في مصر نفس الكلام. انا الحقيقة المواصفات اللي انا واضعها انه اقل الناس خضوعا للضغوط الدولية اللي هتترجم داخليا. يعني فيه ضغوط دولية على مصر هتترجم داخليا الى ضغوط في الغذاء وضغوط في الدواء -

[00:24:57](#)

ضغوط من السلطة العسكرية حتى وضغوط من غيره فانا بحاول اوصل الى شخص اقل انا عشان كده بختار بالاستبعاد لان طبعا انا لما كنت مرشح كنت مرشح لاني مش مقتنع بان الاخرين ينتخبوا فعايز الناس تنتخبني الان ما بقتش موجودة - [00:25:18](#)

فبدأت اقول طب ده فلان ده مش هينفع فلان مش هينفع فلان مش هينفع فليكن آآ اللي بيبقى عندي هو مين واتخز قرار بناء على كده. انا مسلا واحد زي الاستاذ خالد علي. خالد علي ده راجل محامي وكلامه - [00:25:35](#)

اه يعني في انما الحقيقة فوجئت بشيء يحزني جدا ان بعد اللي قطعوا الشعب المصري من شوط هو الوحيد اللي يقول انا عايز اغير المادة اتنين من الدستور واخليها بدل ما الشريعة الاسلامية هي المصدر الرئيسي للتشريع - [00:25:52](#)

مش يهبط بها درجة واحدة الا انها مجرد مصدر للتشريع لأ ده كمان مصدر من المصادر يعني في مصادر اخرى. يعني ايه في مصادر اخرى احنا المصدر الرئيسي معناها ان في مصادر اخرى ولكن هذا هو الرئيس اللي ما حدش يخالفه - [00:26:09](#)

حسبت ان هو بيتكلم عن مادة الشريعة الاسلامية مكاملة المقاومة. بس قبل ما يتكلم خالد علي على مادة الشريعة الاسلامية من

المفهوم ان حازم صلاح ابو اسماعيل هيختار واحد من بين اللي عندهم مشروع اسلامي. طب ما هو خلاص. والمفروض - [00:26:24](#)

الدكتور محمد سليم اه طبعا انما لو خيرت ما بين محمد مرسي وابو الفتوح اه. ولا انت واحد منهم بس مش باعلن. اه. انما انا مختار بالفعل يعني انا عندي ميل واضح - [00:26:44](#)

لانه آآ علشان نقطة التفاهات دي عشان نقطة آآ عدم الخضوع للضغوط عشان نقطة آآ يعني انه كرامة الناس او حريات الناس

الحقوق الاساسية ما يحصلش آآ يعني انا اقول لحضرتك انا مش قادر اصدق لغاية هذه اللحظة - [00:27:02](#)
ان في مثلا ان قانون السلطة القضائية ما صدرش يعني ايه؟ اه. يعني ايه؟ بس. يعني ازاى يفضل النائب العام الذي انتقاه حسني مبارك هو اللي بيعمل القضايا والتحقيقات لحد ما تروح المحاكم يقوم قتلث الثوار بياخدوا براءات بقوا بقوا كده كل شوية فوق براءة براءة براءة براءة. مستنيين - [00:27:21](#)

لغاية ما يخلصوا كل قطعة الثوار ياخدوا براءات علشان يظل النيابة العامة بتحقيقاتها المعيبة هي التي بتؤدي الى ذلك لغاية دلوقتي وفضل انا قاعد مبسوط ازاى طب طب حضرتك آآ يعني يعني اصل الكلام يطول في هذه النقطة جدا - [00:27:45](#)
اه واه وانا ما اتصورش انا يا شيخ حازم ما اعرفش رأيك ايه انه التشكيك بصفة مستمرة في القضاء المصري ممكن هيساعد على احنا هبنني مصر الجديدة او كده انا ما اتصورش بس قبل النقطة دي انا عايز اعرف معايرك ايه لما بتختار مرشح. طب بس لأ اصل النقطة اللي حضرتك قلتها دي يعني مهمة جدا الحقيقة. اه - [00:28:03](#)

ما هو احنا علشان ما بيقاش فيه تشكيك. انت عارف ان سيد الخلق عليه الصلاة والسلام. في يوم من الايام لما شافوه واقف مع واحدة ست في الشارع هو شاف ان دي خميرة للتشكيك وهو رسول الله. مم. وما زعلش - [00:28:25](#)
اللي يحط نفسه في موقع الريب هيتهم في موقع الشكوك فيتهم هو غلطان. فالرسول عليه الصلاة والسلام وقفهم وقال لهم لأ تعالوا هي دي مراتي واحنا واقفين هنا بس بنعمل قدام باب بيته. اه - [00:28:40](#)

بيزيل شك فانا الا يحب القضاء المصري اني ارفعه لدرجة زي درجة النبوات كده. طبعا هو لا يصل لدرجة النبوات لكن زي درجة النبوات اللي عايزة وكل حاجة تبقى على ميه بيضا زي ما بيقولوا ونقية وزاهرة. احنا بنقول ايه؟ مم. قانون المحكمة الدستورية اللي دلوقتي مع الاسف هو هم اللي متولين لجنة الانتخابات الرئاسية - [00:28:55](#)
بيقول انه كان حسني مبارك ينزر في القضاة كده على مستوى مصر يعجبه ده هو ده رئيس محكمة دستورية من غير اي شيه هو ده كده. هم. وبعدين يبص تاني يقول اه وده ينفع الامين العام للجنة - [00:29:19](#)

من غير اي قيود. مم. ابدأ. مم. حتى مد التعيين الامين العام للجنة للمحكمة الدستورية تضحك الفقرة الاولى يقول لك رئيس الجمهورية بناء على ترشيح من رئيس المحكمة الدستورية يختار الامين العام. اه. جه بقى في المادة الثالثة قال لأ بس افرض رئيس المحكمة الدستورية عصلج مع الرئيس - [00:29:37](#)
فراح جاي في المادة الثالثة والله العزيم والفقرة بتقول كده حاجة بضحك. يقول ومع ذلك. مم. يجوز ان رئيس الجمهورية يختاره مباشرة. ولذلك الامين العام للجنة حاليا اه. ان شاء الله يطلع احسن واحد وكويس وما بتكلمش عنه يعني. مم. ده واحد بكده انه هاد ده - [00:29:57](#)

من يرضى ان يكون تكون السلطة السياسية ورأس السلطة التنفيذية هو الذي يختار رئيس المحكمة الدستورية ومش بس الرئيس ولا الامين. ده كل قضاة المحكمة الدستورية يختارهم بهذه الصورة. الناس اللي بتتفرج - [00:30:14](#)
جيننا دلوقتي واكيد بيتابعونا كتير لان حبايبك كتير الله ممكن يسألك سؤال بسيط جدا يقول لك ديلك ايه على كل الكلام ده؟ وراجل قانون ممكن يكون كلام مرسل كله ان نص القانون يرجعوا لنص القانون. المادة بتقول كده. خليهما انا بتكلم على حكاية اختيار اللي يعجبه ويبيص يقول ده - [00:30:29](#)

وهاتوا ده واركنوا ده. لأ القانون بيقول ايه؟ القانون بيقول ان رئيس الجمهورية من حقه ان يختار اي مستشار مضى على تعيينه مسلا خمس سنين ولا ما اعرفش كم سنة يختاروا بسلطة مطلقة بمزاجه المطلق. ده ما حضرتك قلت ان هو بيحطهم قدامه - [00:30:49](#)
كده واحد شكله عجبه شكله يعني شنبه ودقنه لأ شكله يعني مين ده بيعمل ايه سلوكياته ايه معاير الاختيار حتى لو كان مش حسني مبارك هو رئيس الجمهورية. لو كان حازم ابو اسماعيل هو رئيس الجمهورية. والقاضي اختيار رئيس الجمهورية والسلطة السياسية. ده مما يثير الريبة - [00:31:09](#)

طبعا القاضي لابد ان يكون نتاجا قضائيا. طبعا. عشان اطمئن. اه. انما افرض بكرة مسك عمرو اسمه عبدالمنعم ابو الفتوح الحكم

برضه ما اقبلش انه يختار رئيس الجمهورية رئيس محكمة دستورية. طبعا لانه ابسط قواعد الديموقراطية مبدأ الفصل ما بين السلطات كمان. ده ده محكمة السلطة القضائية - [00:31:31](#)

بتاعة السلطة التنفيذية بتاعة التشريعية ما ينفعش. طب حضرتك لما بتيجي تختار بتختار بمعيار شكله ايه ؟ انا دلوقتي عندي معيار. اه انا طبعا لا شك انه عنصر الشريعة الاسلامية عنصر هو المحور لتفكير الكل ولكن - [00:31:52](#)

الشريعة الاسلامية بعد ما استبعدت هنا من الانتخابات اصبحت مؤسسة الرئاسة لم تعد الناس او ما فيش مرشح وعد الناس بانه يبزل ضغوط فيها وانما كلام عام. وبالتالي بقت مجلس الشعب هو اللي - [00:32:13](#)

يوديهما لوحده مش اكثر من كده. فانا دلوقتي المقياس اللي عندي هو مقياس واحد. اه مين رئيس الجمهورية اللي هيحافظ على حرية القرار لرئيس الجمهورية على استقلالية القرار مش هيخضع للضغوط - [00:32:27](#)

مش هيشوف انه لازم يعمل تفاهمات مع السلطات الداخلية او المؤثرات الداخلية والخارجية يكون تمنها حقوق الناس وحرية الاساسية. من يصدق ان بعد سنة وتلت من قيام ثورة في هتك اعراض في الوحدات والمعتقلين لغاية دلوقتي. لغاية اللحظة دي. مين يقول كده - [00:32:46](#)

مين يقول ان فيه تعزيب لغاية اللحظة دي ؟ مين يقول انا اصدق بعد سنة وتلت اعدهم في الشارع ما كنتش بروح بيتي ولا اري اولادي ولا اي شيبه. علشان احاول ان البلد ما الثورة ما - [00:33:09](#)

ان بعد ده كله في تعزيب وفي هتك اعراض لغاية دلوقتي انا عايز بقى رئيس هو ده المقياس الوحيد. اه. قدرته على عدم التفاهمات مع السلطة الضاغطة ومع المؤثرات الضاغطة ما يبقاش تمنها - [00:33:22](#)

الشباب اللي كانوا ممكن يجد في اشارة مرور والله لا انساه في روكسي. واحد بيقول لي امانة عليك ازا ربنا ولاك تخلي واحد زي يعيش محترم. بس كل ده كل اللي عايزه منها. الكلمة دي ما تخرجش ولا الرئيس شيخ حازم اللي يلتف حوايه - [00:33:39](#)

فئات الشعب المصري في منظومة توافقية آآ فيها روح الروح بتاعة المستقبل بقى روح نظرة لقدام ان احنا نكف عن آآ النبش في اوراق الماضي ونبتدي نقول احنا مصر احنا هنبتي نبي البلد. لا شك ان ده هيبقى من ضمن اوراق - [00:33:58](#)

القوة الكبيرة عند الرئيس ان الناس يبغوا معه بتوعه مقتنعين بان هو صادق. اه. ده مش هيحصل الا لو كان بيلم الناس كلها تمام آآ في هناخد بس فاصل اعلاني ونرجع نتكلم معلش يا شيخ حازم وحضرتك آآ اتكلمت على وجودك في الشارع لاكثر من سنة ونص -

[00:34:18](#)

ونتساءل على مسألة وجودك في احداث العباسية من عدمه. وكلام كتير اتقال في الموضوع ده ولغط نفسي ان حضرتك برضو تجلي لنا الحقيقة في هذا الملف. يسعدني جدا. وهنكمل في هذا الملف وملفات اخرى - [00:34:39](#)

والحقيقة الشيخ حازم صلاح ابو اسماعيل جت له الاف الاسئلة على صفحتنا صفحة برنامج مصر الجديد على الفيسبوك مصر الجديدة على تليفزيون الحياة. خليك معنا او عوا تروحو في اي حته - [00:35:02](#)

اهلا بيكم مرة ثانية برحب بضيبي مرة اخرى في برنامج مصر الجديدة الشيخ حازم صلاح ابو اسماعيل. اهلا بحضرتك مرة ثانية. اهلا بقي لنا يعني اكثر من عشر دقائق يمكن اتناشر دقيقة - [00:35:16](#)

بسرعة كده وقبل فترة الصمت الانتخابي آآ هوجه لحضرتك بعض الاسئلة اللي جت لك على صفحة البرنامج في الفيسبوك بعض من الاف الاسئلة الحقيقة اللي اه يعني حبايبك كتير زي ما انت عارف. هل تنوي الترشح بعد اربع سنوات؟ ده سؤال من عمر قاسم -

[00:35:36](#)

آآ لا احب الترشح مرة اخرى. لا احب. فعلا! انا انا ترشحت على اساس انها حالة اضطرار وضرورة كان ست شهور للفترة الانتقالية فات منهم ثلاث شهور ونص وفوجئت بان الموضوع بيجهد للعودة للنظام القديم - [00:35:54](#)

كانت في حالة اضطرار ان انا اتقدم عشان اثبت ان الشعبية الحقيقية ممكن يحوزها من ينتمي لوجدان الناس بطبيعة بيعتهم. تقدمت عشان كده لكن انا من الناس اللي ممكن يعني افضل لأ ما لم تكن هناك ضرورة مرة اخرى - [00:36:16](#)

تمام هل ترى تقبل نائب رئيس يعني مطلقا لا يمكن اعتقد ابدا ولا نائب رئيس ولا مستشار رئيس ولا مساعد رئيس ولا مطلقا بروح الفريق اؤمن ولكن بروح الفريق مع المتفق معهم. انا اي حد هينتخب كرئيس - [00:36:37](#)

انا سلفا عارف ان انا مختلف معه اختلافات كبيرة. حتى المرشحين على الخلفية الاسلامية. نعم. برضو. نعم بلا شك. لكن انا الان زي ما قلت لحضرتك باعد حزب سياسي يذهب مثلا في ان شاء الله في الحالة السياسية المصرية - [00:37:00](#)

وبازن الله تبارك وتعالى يكون له شأن كبير في امور كثيرة ازا وصلنا في دراستنا الحالية ان احنا هنصدره فعلا. احنا في مرحلة دراسة الدراسة دلوقتي. بازن الله. هل ترى ان جماعة الاخوان المسلمين تصلح لقيادة مصر في زل نزام الجماعة واحد اسمه كريم امبابي - [00:37:19](#)

جماعة الاخوان المسلمين شرف كبير للتاريخ المصري ولكنها تحتاج مراجعة كبيرة جدا حتى تصلح لقيادة البلاد حاليا. اه. ما هو ممكن توضح لي ليه آآ جماعة الاخوان المسلمين نشأت من تمانين سنة والزيادة ثلاثة وثمانين سنة تحديدا او دلوقتي بقوا اربعة وثمانين سنة - [00:37:39](#)

في الاربعة وثمانين سانية جماعة رائعة منهجها رائع رجالها انقياء لكن اربعة وثمانين سنة معظمهم بتتعرض فيها الضرب واضطهاد وظلم حدث آآ تشوهات في طريقة الاداء شيه تحصل لاي حد ده هم اكثر صمودا من غيرهم هم احسن فصيل من كل الفصائل الموجودة في مصر حاليا - [00:38:06](#)

بس انا بقول لحضرتك يعني انه تشوهات اللي حصلت كتيرة كتيرة كتيرة لاي حد محتاج وقت عشان يرجع تاني يجيد فمثلا هم في البرلمان اولويات الاجندة التشريعية مؤسفة مؤسفة انا اقعد اشتغل في قضية الكيوسيين مع انها مهمة للسولار او في قضية تسببت العمالة مع انها مهمة بس دي القضايا المعيشية - [00:38:34](#)

قضايا محور البلد اللي البلد تضيع او ما تضيعش فيها المحور الدستوري بتعمل انك ما ترجعش حالة الظلم مرة تانية ما فيش يناقشوا مسلا قضية زي قضية الزباط بتوع امن الدولة وهل يحصل معهم وهيكله الداخلية وبعدين خلاص شل في الدرج وانتهى الامر ما ينفعش. هم. فهم محتاجين - [00:39:02](#)

انما زي ما باقول لحضرتك هم افضل الفصائل على الاطلاق ما فيش حد يقرب منهم حتى. اه. ونمرة اتنين آآ هم آآ شرف تاريخي شرف تاريخي دول ناس حملوا السلاح ضد الانجليز ضد اليهود آآ طالبوا بالدستور ونسبت اليهم اشياء غير صحيحة - [00:39:22](#)

انما لازم ياخذوا وقت عشان يبقوا يعني يبقوا يعني انا حزين يراجعوا نفسهم في ايه بالزبط؟ يراجعوا نفسهم في جسارة القلب في رباطة الجأش في مواجهتهم للسياسيين في مواجهتهم للسلطة الداخلية في في التمسك بالحقوق - [00:39:44](#)

في عدم الخضوع لضغوط المجلس الاعلى للقوات المسلحة طول السنة اللي فاتت. مم. بوضوح. مم يراجعوا في انهم يعرفوا يقولوا لآ ما ينفعش اه. ما ينفعش يطلع اعلان دستوري بالشكل الفلاني. ما ينفعش تفرض علي الشيه الفلاني. ما فيش حاجة اسمها خطوط حمراء على الوطن. فيه اشياء طبعا لآ يعني - [00:40:05](#)

انا الحقيقة ده اللي انا خايف منه للمرحلة الجاية لو استمرت الحالة بنفس ما فيش جسارة ما فيش الوقفة لا مش هبقى سعيد طبعا. تمام هل آآ حازم صلاح ابو اسماعيل - [00:40:26](#)

المرحلة اللي احنا عايشينها النهاردة والكل بييجري بان الاخوان المسلمين دول هم اللحم والدم بالنسبة لي. يعني عشان تبقى حضرتك عارف دول دول كيان بس انا بقول هذا الكلام ان والدك كان آآ انا بقول هذا الكلام عضو آآ طبعا احنا آآ انا انت اتربيت في ولا نزلت - [00:40:40](#)

هم اقرب الاحباب لا زال انا لما بتكلم بتكلم عن نفسي الان عن اه. عن عن اه يعني ان انا اعمل ازاي استمسك ازاي مرة تانية وهكذا فانا بتكلم عن كما لو - [00:41:02](#)

كنت بوجه خطاب لنفسي باوصي نفسي يعني تمام هل حضرتك آآ مش عايز اقول ندمان انما كنت تتمنى انك تبقى آآ جزء من من سباق الرئاسة والشو الاعلامي والمناظرات ودخولك الى حلبة السباق في اللوقات دي تحديدا ولا ولا شايف ان المسألة دي بعيدة عنك

وانت نايم بالليل كده على المخدة ما فيش - 00:41:15

مشكلة جميل جدا اولاً اشكرك جداً على السؤال ده اقسام لك بالله ان انا في حالة السعادة على المستوى الشخصي سعادة واستمتاع غير عادية بان ربنا سبحانه وتعالى نجاني. ليه يا شيخ حازم؟ انما انا اللي انا قلق عليه ان انا دخلت زي ما قلت لحضرتك لحالة الضرورة والاضطرار - 00:41:43

هو ده اللي مقلق بالنسبة للحالة اللي جاية حاسس بقلق ربنا نجاك من ايه انا كنت خايف من الليلة الاولى عندما اصير رئيسا ويبيت واحد جعان لسه او عنده مشكلة. وفي اول ليلة - 00:42:07

حجم الاوزار قد ايه هو الرئيس لازم يبجي بعصاية سحرية معه يخلي كل الناس كلامك بس اذا كان ازا كان اه اه لسه قلبه حي لسه لم يعني ممكن يبقى على كل حال المسؤولية لما تتشال من على الواحد - 00:42:24

الحقيقة معلش انا كده دي طبيعتي على فكرة. اه. يعني انا دي طبيعة انا حسيت ان ان الحمد لله اللي يسمعك بتقول الكلام ده. يقول لك الله! امال انت قاتلت بشراسة ليه عشان تبقى رئيس! وتنزل - 00:42:45

الناس لا مؤاخذه في الكلمة يعني. صح صح. العباسية ودخلت شمال في المستشار وفي اللجنة وفي الامريكان وتحديده الجميع قلت انا من حقي ودلوقتي تقول لي انك انت ارتحت شف دي ده كان عشان - 00:43:05

يعني اقول التعبير اللي الناس يفهموه عشان مصلحة البلد ان انا كنت حاسس ان لازم نطلع نلحق نلحق نربط الامور قبل ما البلد بزلت اقصى ما استطيع عشان الثورة دي ما ترتدش وتفشل زي الثورات السابقة كلها ما ارتدت الى المظالم - 00:43:24

فكنت بعمل اقصى ما استطيع عشان اللي كنت بقراه في الكتب من انه الثورات بتراجع ترتد للزلم من جديد ما يحصلش وانا عايش لا يمكن عشان مصلحته بس هو في الحقيقة لوجه الله الكريم. يعني عشان برضه الكلام كان هذا لاني اخشى الاثم ان ما ينفعش -

00:43:43

انما ده على مستوى المصلحة العامة على مستوى انما على المستوى الشخصي المستوى الشخصي الانسان شعوره بالوزر عن الاخرين. آآ حاجة غير عادية. اه. حاجة انا معلش انا كده تتحمل هل تحمل المسؤولية ده خلاك ينتبك شعور بالزنب نوعا ما لوقوع قتلى وشهداء

- 00:44:03

ودماء شباب في في رقبة حسين في العباسية. ده زنب في رقبة حسين طنطاوي وسامي عنان. شيخ حازم لمن يتهمك بانك يعني كنت سبب في ان الناس دي راحت هناك. اجاوبه اجابة فاصلة جدا وواضحة ورائعة برضه - 00:44:28

اصف اجابتي قبل ما اقولها. اقول له ارجع الى بياناتي اليومية المنشورة على الفيسبوك النداءات اليومية التي تقول للناس يا جماعة بلاش كزا ونهدأ ونتجاوز هذه الصفحة واعتبروها انتهت وكل شيء - 00:44:50

اقول لهم ان كون انكم سمعتم كلام كثير بعكس الحقيقة ارجعوا للحقيقة ده انا لو كنت بطلع بيان يومي بس البيان اللي على الانترنت في سقاقتنا يا شيخ حازم حد يقول لك الله! ده انت انت كنت تاخذ عربيتك وتروح تتمشى كده في وسطهم وتاخذهم يلا يا اخوانا

نرجع على بيوتنا. ما هو - 00:45:06

الاجابة على ده يعني اجابتين حياة واضحتين. اولاً انا بالفعل عملت مكالمة تليفونية ازيعت على المنصة في ميدان تحرير بالميكروفون والناس سمعوها. اه. وقلت هذا الكلام للمتواجدين في الميدان. وطبعاً هم هاجوا علي يعني مش عايزين يمشوا وكده.

فهم ما كانواش - 00:45:26

يعني هم ناس احباب مخلصين وكل شيء ولكن مش بمعنى ان هم ملتزمين باللي انا بقوله او شيء. هم. لكن الحاجة الثانية آآ كما ربما يعني يعلم بعض الناس او كثير من الناس. اه. ان انا آآ كان آآ يعني اصبت بشيء من من يعني حالة في - 00:45:46

غضروفي طارق قعدت سبعتاشر تمتناشر يوم راقد على ظهري ممنوع من الحركة. اه. فكان من مش ممكن انزل اخذ عربيتي وانزل في الوقت ده واروح مم. زي كده. انما مع ذلك بالتليفون عملت عدة مداخلات ومنهم المرة اللي بقول لحضرتك انه الناس اتكلموا معي

فيها. ومع ذلك الناس دول مش - 00:46:06

الناس دول وجدوا خبط في البيان الدستوري للبلد باهدار حكم قضائي وعلى فكرة مم. رئيس لجنة الانتخابات الرئاسية وامينها العام الزاهر هم فاهمين ان المادة ثمانية وعشرين اللي بتحصل القرارات دي معناها - [00:46:26](#)

انهم ما يستجيبوش لاحكام القضاء لانهم قالوا كلام يشبه هذا الكلام من من يومين كده. اه. بيقول احنا امبارح في المؤتمر الصحفي بيقول كلام غريب جدا. بيقول اه زملائنا القضاة وبنحترمهم لكن احنا قراراتنا محصنة. ايوة قراراتك محصنة لما تصدر ما حدش يلغيها. انما علشان تصدرها لازم - [00:46:44](#)

تبقى مش مصادمة لاحكام القضاء. ده شيه طبيعي. بس حضرتك يعني فاللي نزلوا ميدان العباسية ولا ميدان التحرير ولا كده دول ناس بيتكلموا عن خبط شديد في البيان الدستوري للبلد. اللي هي احكام القضاء وحجيتها. مم. وفي نفس الوقت ضد مادة دستورية بتحصل - [00:47:04](#)

قرارات آآ في زل استمرار الدستورية دي ضدها دلوقتي انما وقت ما استفتي الشعب عليها انتم كتيارات آآ دبنية انتم اول من دفع بالاجابة نعم مش لا شف يعني بيفقد الدينية بعض المصادقية - [00:47:24](#)

ها انا اذا اعلنها لجماهير مصر بكاملها ان الاستفتاء بنعم كان هو ولا يزال هو الصح. بس خلي بالك احنا استفتينا بنعم اللي هو الدستور اللي انتخابات قبل الدستور على ان تكون في ستة اشهر مش حلني احنا كنا بنقول نعم عشان تجري الانتخابات الرئاسية والبرلمان في ست شهور ويمشي المجلس - [00:47:44](#)

بعد ثمانية واربعين ساعة رايحين ننتخب دستور يا شيخ حازم. اه اسف ننتخب رئيس. انا اسف. جميل من غير رئيس. هنتخب رئيس من غير دستور. اه اي يوم يكون فيه - [00:48:12](#)

رئيس منتخب افضل من مجلس عسكري ان رأينا منه ما رأينا وغير منتخب حتى لو كانت السلطات فيها شيه من اللتباس. صدقني. صحيح. لانه لانه السلطات المعطاة دلوقتي دلوقتي اه. للمجلس العسكري دلوقتي - [00:48:26](#)

يا استاز معتز هل تعلم ان ميزانية الخمسة وثمانين مليون بني ادم من ميزانية اللي احنا ماشيين عليها دلوقتي موقعة من شخص واحد هو حسين طنطاوي وهو ليس منتخبا. السنة اللي فاتت دي كلها والحساب الختامي بتاع السنة اللي قبلها - [00:48:48](#)

اللي بيقول فيه استقامة ونزاهة وشرف ولا فيه سرقة ولا الدنيا ماشية كويس موقعة منه وهو غير منتخب مجرد ان يوجد رئيس حتى لو لسه مش موجود اه اه هذا افضل مليون مرة من استمرار الحكم العسكري لا شك لكن اه - [00:49:05](#)

انا كنت طرحت جملة مهمة تصريح مهم منك ده يا شيخ ايمن. طبعا ده احنا جينا وقت المجلس العسكري ده معه سلطات البرلمان زائد سلطات الرئيس زائد كل السلطات اذا وجود رئيس مصري ويعلم رسميا ان شاء الله في يوم واحد وعشرين يونيو ده خطوة

فارقة ومفصلية يحتاجها المجتمع المصري - [00:49:24](#)

ورحيل المجلس العسكري الى ثكناته. ده جديد لا شك ولكن بس انا اقترحت اقتراح الحقيقة كنت اراه ممتاز جدا اه. انه يصدر اعلان دستوري بيقول ان مجلس الشعب يستطيع ان هو يضع - [00:49:44](#)

الاعلان الدستوري التكميلي الخاص لان جريمة ده ده شيه مشين ان المجلس العسكري يطلع اعلان دستوري تكميلي. ومشين ان الاحزاب تروح تحضر وتتفق على الكلام ده اه. مجلس الشعب كان يقدر يحط - [00:50:02](#)

تجويد لسلطات الرئيس مؤقت ويطرحه الاستفتاء على كل حال آآ بدأ الصمت الانتخابي دخلنا في الجد. اه الخمس دقائق دول هيعملوا لنا مرشح وفي ناس بتقول الحمد لله انه بدأ الصمت الانتخابي - [00:50:15](#)

آآ خرينا نرتاح زي ما بيقولوا. وايا كانت النتيجة انا آآ بشكرك جدا على قبولك الدعوة. وبتمنى لك التوفيق في اي شيه تختاره وربنا معك. الله يخليك. وتحياتي لاسرة حضرتك. انا شاكر جدا جدا. بشكرك على تشريفك. ودايما بخلص لقائي معكم. وانا شاعر بحالة من

السعادة. الف الف - [00:50:34](#)

شكر لك شكرا لك وشكرا لمتابعتم هذا الحوار. وان شاء الله بعد آآ ثمانية واربعين ساعة من دلوقتي يتوجه ملايين المصريين لاختيار رئيسهم الجديد اول رئيس مدني منتخب بعد ثورة خمسة وعشرين يناير التي اطاحت بالرئيس - [00:50:54](#)

السابق وبالنظام. شكرا على المتابعة وملتقي بكرة ان شاء الله الى اللقاء - 00:51:15